



REPUBLIKAN'I MADAGASIKARA  
Fitiavana - Tanindrazana - Fandrosoana



**FAMINDRAM-PITANTANANA NY  
HARENA VOAJANAHARY AZO  
HAVAOZINA  
ALA TAPIA AO AMBOHITRINILAHY  
VOI ZARASOA**

Fokontany AMBOHITRINILAHY  
Kaominina Arivonimamo II  
Distrika Arivonimamo  
Faritra Itasy

LAHARANA°:.....



Martsa 2023

## **FIZAHAN-TAKELAKA:**

<b>FIFANEKEM-PAMINDRAM-PITANTANANA</b> -----	5
<b>DRAFI-PANAJARIANA SY FITANTANANA</b> -----	10
<b>I. FANAZAVANA ANKAPOBENY</b> -----	11
I.1 Teny fampidirana-----	11
I.2 Tanjona kendrena-----	11
I.3 Faharetany-----	11
<b>II. Efitry ny faritra hajariana sy ho tantanina</b> -----	11
II.1 Toerana ahitana ny Fokontany-----	11
II.2 Faritra ivelomana tantanin'ny VOI-----	14
II.3 Faritra ala hafindra fitantanana ho an'ny VOI-----	16
<b>III. Ny mponina sy ny fivelomany</b> -----	18
III.1 Ny mponina-----	18
III.2 Ny fiveloman'ny mponina-----	18
V.3. Rafitra mpanampy:-----	20
<b>IV. Fitsinjarana ny faritr'ala isaky ny sokajim-pampiasana</b> -----	20
IV.1 Toetoetry ny ala-----	20
VI.2. Sokajim-paritra-----	23
<b>V. Fitsipika amin'ny ankapobeny</b> -----	26
<b>VI. Fitsipika hanajariana sy hitantanana sy fizaram-paritra tsirairay sy ny vokatra ao aminy</b> ---	26
VI.1 Mikasika ny fampiharana ny zo nentim-paharazana.-----	26
VI.2 Mikasika ny faritra atevenina sy ampiharana ny zo nentim-paharazana-----	27
VI.3 Mikasika ny faritra arovana ampiharana ny zo nentim-paharazana-----	27
VI.4 Mikasika ny faritra natao ambolena sy tsy voasokajy-----	28
<b>VII. Andraikitr'ireo ankolafin-kery voakasika</b> -----	28
VII.1 Ny Fari-piadidiam-paritry ny Tontolo Iainana sy ny Fandrosoana Lovainjafy-----	28
VII.2 Ny Kaominina-----	28
VII.3 Ny VOI ZARASOA-----	29
VII.3.1 Asa fiofanana-----	29
VII.3.2 Asa fanentanana sy fampahafantarana ny famindram-pitantanana izay natao-----	29
VII.3.3 Asa fanajariana.-----	30
VII.3.4 Asa fanaraha-maso-----	30
VII.3.5 Asa fifandraisana amin'ny any ivelany-----	30

VII.3.6	<i>Fizohiana sy tomban'ezaka</i> -----	31
VIII.	Ny drafitr'asa isan-taona -----	31
IX.	Fepetra sy fomba fikirakirana ity drafi-panajariana sy fitantanana ity-----	36
IX.1	Ho an'ny VOI ZARASOA-----	36
IX.2	Ho an'ny Kaominina Arivonimamo II -----	36
IX.3	Ho an'ny Mpanohana -----	37
IX.4	Ho an'ny Foibe iraisam-paritry ny Tontolo Iainana sy ny Fandrosoana Lovainjafy Itasy	37
<b>BOKIN'ANDRAIKITRA</b>	-----	<b>38</b>
<b>DINAM-PARITRA</b>	-----	<b>44</b>
<b>DRAFI-PIHARIANA</b>	-----	<b>45</b>
<b>TOVANA</b>	-----	<b>46</b>

## LISITR'IREO TABILAO :

Tabilao 1 : Ny zanaparitra hita ao amin'ny faripiveloman'ny VOI .....	14
Tabilao 2 : Ny velaran'ny zanaparitra tena fampiasa .....	14
Tabilao 3 : Faritr'ala afindra fitantanana.....	16
Tabilao 4 : Isan'ny mponina, mitsinjara isan-taona .....	18
Tabilao 5 : Tahirin-kevitra ara-pambolena.....	18
Tabilao 6 : Tahirin-kevitra ara-piompiana .....	19
Tabilao 7 : Fampiasan'ny mponina ny vokatry anaty faritra.....	19
Tabilao 8 : Ireo rafitra mpanampy.....	20
Tabilao 9 : Toetoetr'ireo ala Afindra fitantanana.....	21
Tabilao 10 : Anarany sy velarany ary toetoetr'ireo ala .....	<b>Erreur ! Signet non défini.</b>
Tabilao 11 : Fisokajiana ireo faritr'ala araka ny tanjom-pitantanana.....	23
Tabilao 12 : fepetra mikasika ny fampiharana ny zo nentim-paharazana .....	27
Tabilao 13 : Ny drafitr'asa mandritra ny telo taona ho an'ny VOI .....	32

## LISITR'IREO SARIN-TANY :

Sarin-tany 1 : <i>Toerana ahitana ny VOI</i> .....	13
Sarin-tany 2 : <i>Faritra tantezaina</i> .....	15
Sarin-tany 2 : <i>Fanehoana ireo faritr'ala afindra fitantanana</i> .....	17
Sarin-tany 3 : <i>Fanehoana ny toetoetr'ireo ala afindra fitantanana</i> .....	22
Sarin-tany 4 : <i>Fanehoana ny drafy-panajariana ny faritra afindra fitantanana</i> .....	25

# **FIFANEKEM-PAMINDRAM- PITANTANANA**

**NY MINISTERAN'NY TONTOLO IAINANA SY NY FANDROSOANA LOVAIN-JAFY,  
IZAY SOLOIN-DRAMATOA TALE IRAISAM-PARITRY NY TONTOLO IAINANA SY NY  
FANDROSOANA LOVAINJAFY TENA**

**SY  
NY KAOMININA AMBANIVOHIRA ARIVONIMAMO II**

**ARY**

**NY VONDRON'OLONA IFOTONY (VOI) « ZARASOA », IZAY SOLOIN-DRAMATOA  
FILOHAN'NY FIKAMBANANA TENA**

**Araka :**

- Ny lalàna 96-025 tamin'ny 30 septambra 1996 mikasika ny fitantanana eny an-toerana ny loharanon-karena voajanahary mety havaozina ;
- Ny lalàna 97-017 tamin'ny 08 aogositra 1997 manavao ny lalàna fitantanana ny ala ;
- Ny didim-panjakana laharana faha-97-1200 tamin'ny 02 oktobra 1997 mampanaiky ny poititikam-pitantanana ny rano sy ala ;
- Ny didim-paniakana laharana faha-2000-027 tamin'ny 13 janoary 2000 mikasika ny VOI miandraikitra ny fitantanana eny an-toerana ny loharanon-karena voajanahary mety havaozina ;
- Ny didim-pitondrana 2001-122 tamin'ny 13 Jona 2001 mametra ny fomba fanatanterahana ny famindram-pitantanana ny harena voajanahary amin'ny vondron'olona ifotony ;

**Dia mifanaiky fa :**

**Andininy-1 :** Afindra amin'ny Vondron'Oloha Ifotony (VOI) ZARASOA, ao amin'ny Fokontany Ambohitrinilahy, ny fitantanana ny Ala Tapia sy ny faritra izay voafaritra ao amin'ny andininy 2 amin'ity fifanekena ity.

**I- Faritra ampiharana an'ity fifanekena ity.**

**Andininy-2 :** Ity fifanekena ity dia ampiharina amin'ny faritra izay manana velarana **426 ha**, ao amin'ny Fokontany Ambohitrinilahy, izay voafaritra toy izao:

- Avaratra: Fokontany Mahereza;
- Atsinanana: Fokontany Ambohitratovo;
- Atsimo: Fokontany Kianja;
- Andrefana: Fokontany Betafo.

**II- Ireo harena voajanahary iharan'ity fifanekena ity.**

**Andininy-3 :** Ampiharana amin'ireo harena voajanahary rehetra notantanin'ny Sampan-draharaha miadidy ny Ala ao amin'ny faritra voatondro ao amin'ny andininy 2 sy izay rehetra voalaza mazava tsara ao amin'ny Bokin'Andraikitra (Cahier de Charges) ity fifanekena ity.

**III- Tanjona.**

**Andininy-4 :** Natao ity fifanekena ity mba ho fampandraisana andraikitra ny VOI amin'ny fitantanana ny harena voajanahary azo havaozina ary mba hampaharitra ny fampiasana azy ireo mba ho lovain'ny taranaka maro mifandimby.

#### **IV- Zava-kendrena**

**Andininy-5 :** Kendrena amin'ity fifanekena ity ny :

- fandraisan'ny olona tsirairay andraikitra amin'ny fahaiza-mampiasa ny ala sy ny harena voajanahary azo havaozina ka hampaharitra azy ireo ;
- hampirindra ny fitantanana ny faritra sy ny vokatry ao aminy ;
- hampitombo sy hanatsara ny loharanon-karena voajanahary ary ny fari-piainan'ny tsirairay.

#### **V- Faharetany.**

**Andininy-6 :** Telo (3) taona no faharetan'ity fifanekena ity ary azo havaozina izany raha hita fa mandeha tsara ny fitantanana, ary miankina indrindra amin'ny tombana izay hatao mialohan'ny fiafaran'io fepotoana io.

#### **VI- Anjara asan'ireo voakasik'ity fifanekena ity**

**Andininy-7 :** Anjara asan'ny :

*A)- Vondron'olona ifotony ny :*

- manaja ny fepetra rehetra voarakitra ao anatin'ity fifanarahana ity sy ny lalàna manankery mifehy ny ala ;
- mampihatra ny Dina ho enti-manatanteraka ny drafi-panajariana sy fitantanana ;
- mamolavola sy manatanteraka ny drafitr'asa isan-taona mifanaraka amin'ny teti-panajariana ho fampandrosoana ny faritra ;
- manaraka an-tsakany sy andavany ny toromarika amin'ny drafi-panajariana sy fitantanana ary izay voalazan'ny bokin'andraikitra ampanarahana ity fifanekena ity ;
- manampy sy manolotra amin'ny Kaominina sy ny Lehiben'ny Ala ao Arivonimamo ireo olo-meloka izay tsy voasahan'ny Dina ny heloka vitany.

*B)- Sampan-draharaha miadidy ny ala:*

- manoro hevitra ny VOI amin'ny fitantanana ny faritra sy ny fanarahana ny drafi-panajariana ;
- manara-maso ny fampiharana ny fitaovam-pitantanana ;
- mandray andraikitra tandrify azy amin'ireo olona tsy vonona hanaraka ny Dina;
- manao fitanana an-tsoratra (procès-verbal) ary mitondra eo anatrehan'ny Fitsarana izay olo-meloka tsy manaja ny Dina na heloka tsy voasahan'ny Dina;
- manampy ny VOI amin'ny asa fampandrosoana ny faritra ;
- manao ny tombana isan-tsokajiny.

*D)- Kaominina ao Arivonimamo II*

- miahy ara-panjakana ny VOI ;
- manara-maso ny fitantanana ataon'ny VOI ;
- manorohevira ny VOI amin'ny fomba fitantanana ny vola ;
- manampy ny VOI amin'ny fampiharana ny Dina ho an'ireo olona tsy mety manaraka izany fa indrindra ireo olona tsy mponina ao amin'ny faritra ;
- manampy ny VOI amin'ny asa fampandrosoana sy ny famahana olana ;
- mandray anjara amin'ny tombana isan-tsokajiny
- mananatra ireo olo-meloka amin'ny fankatoavana ny Fampiharana ny Dina alohan'ny hitondrana azy eny amin'ny Lehiben'ny Ala eny Arivonimamo ;
- mandamina ireo olana mety hitranga eo amin'ny Fikambanana mifanolobodirindrina aminy ;
- manentana sy manampy ny VOI amin'ny fitadiavana sampandraharaha afaka hanampy ny VOI eo amin'ny fitantanana ataony sy ny hanatsarana ny vokatry ;
- mampahafantatra ny vohitra sy ny Kaominina manodidina ny fisian'ny famindram-pitantanana sy ny Dina ;
- mandamina sy mifampiraharaha amin'ny vohitra sy ny kaominina manodidina raha misy olana ateraky ny fampiharana ny Dina.

## **VII- Ireo andraikitra momba ny fitantanana azon'ny VOI atao.**

**Andininy-8 :** Azon'ny VOI atao ny :

**A)- Momba ny zo nentim-paharazana :**

- maka hazo maty na nazeran'ny rivotra ho fampiasana andavanandro (kitay), fanangonana ireo voatapia na fiotazana zavamaniry atao fanafody na sakafo
- maka ny vokatra ao anaty faritra tantanina araka ny voafaritry ny Dina
- mihaza ireo biby azo hazaina (fihazana nentim-paharazana ihany no azo atao).

**B)- Ankoatry ny zo nentim-paharazana :**

- mitrandraka araka ny drafi-panajariana sy fitantanana ary mivarotra ireo hazo ao amin'ny voly hazo natokana ho fitadiavam-bola (kininina sy kesika) ;
- manome ny heviny amin'izay fangatahan'olona tsy mpikambana amin'ny Vondron'olona Ifotony te-hampiasa ireo harena voajanahary azo havaozina ao amin'ny faritra ;
- mametra sy mandray ireo saram-pitantanana ,
- manao tatitra amin'ny Kaominina sy ny Ben'ny ala ny fandehan'ny fitantanana isam-bolana na isaky ny misy fisehoan-javatra ;
- manao tatitra ary mitondra any amin'ny Kaominina sy any amin'ny Lehiben'ny Ala eny Arivonimamo izay olona manao fahadisoana ka tsy manaiky hampiharana ny Dina na tsy voasahan'ny Dina intsony ny fanasaziana azy (na mpikambana na tsy mpikambana) ;
- mampahafantatra ny Fokontany ny zava-misy amin'ny fitantanana.

**D)- Momba ny rafi-pitantanana :**

- mametraka fomba enti-mitantana ny faritra ary mifidy olona hisahana tanteraka an'izany izay antsoina hoe : Komity mpitantana (Comité de gestion).

## **VIII- Ireo andraikitra tsy azon'ny VOI atao.**

**Andininy-9 :** TSY azon'ny VOI atao ny :

- manome fahazoan-dalana hitevy ala-velona ;
- manome fahazoan-dalana hikapa hazo ankoatry ny zo nentim-paharazana ;
- manao fitanana an-tsoratra (procès-verbal) ireo heloka tsy voasahan'ny Dina intsony ny fanasaziana azy izay ampiakarina eny amin'ny Fitsarana.

## **IX- Ireo andraikitra ny sampandraharaha miadidy ny ala**

**Andininy-10 :** Manana andraikitra ny Sampan-draharaha miadidy ny ala amin'ny :

- fampianarana ny VOI ny lalàna manan-kery mifehy ny Ala ;
- fampiharana ny sazy amin'ny VOI raha toa misy fahadisoana nefa tsy nandraisana andraikitra ;
- fanomezana ny fahazoan-dalana hikapa hazo hafa (ankohatra ny zo nentim-paharazana), rehefa avy nankatoavin'ny VOI ;
- fanaovana an-tsoratra (procès-verbal) ireo fandikan-dalàna tsy voasahan 'ny Dina ary mitondra ny olo-meloka eo anatrehan'ny Fitsarana ;
- fanampiana sy fanarahamaso ny fanatanterahana izay voasoratra ao amin'ny bokin'andraikitra sy ny drafi-panajariana ny faritra ;
- fanampiana ara-teknika amin'ny fanatanterahana ny asa ataon'ny VOI ;
- fizohiana sy fanaovana tomban'ezaka ;
- fanampahan-kevitra amin'ny fanohizana na fanafoanana ny fitantanana.

## **X- Fanaraha-maso ny fitantanana sy drafi-panajariana.**

**Andininy-11 :** Azon'ny Sampan-draharaha miadidy ny ala, ny Ben'ny tanàna, ny Filohan'ny Mpanolotsainan'ny Kaominina ary ny Lehiben'ny boriborintan'ny Kaominina atao ny misava ireo bokim-pitantanana eo ampelan-tananan'ny VOI. Raiketina an-tsoratra ao amin'ny bokin'ny VOI, ny zavatra mety na tsy mety hitany nandritra ny fisavana dia anomezany ny heviny.

**Andininy-12 :** Ny Sampan-draharaha miadidy ny Ala irery ihany no manao ny fanaraha-maso ny fitantanana sy ny tomban'ezaka.

Ireo olona ivelan'ny Sampan-draharaha ny Ala ka mahatsikaritra ny tsy fetezan'ny fitantanana ara-tekhnika dia mampandre avy hatrany azy ireo am-bava na an-tsoratra mba afahan'izy ireo mandray ny andraikitra tandrify azy.

**Andininy-13 :** Miara-manao tombana isaky ny enim-bolana ny fandehan'ny Fitantanana ny Fikambanana sy ny Sampan-draharaha miadidy ny Ala ary ny Kaominina Arivonimamo II.

#### **XI- Fanapahana ny fitantanana**

**Andininy-14 :** Raha tsapa fa tsy mitarika amin'ny fananana maharitra ireo harena voajanahary azo havaozina ny fitantanana ataon'ny Fikambanana dia omen'ny Sampan-draharaha miadidy ny Ala fampitandremana an-tsoratra izy ireo.

Raha mbola miverina io tsy fahaiza-mitantana io dia omena taratasy fampiatoana amin'ny fotoana voafetra ny VOI.

Raha mbola mitohy ny tsy fahaiza-mitantana na mhola tsy tapitra aza ny fe-potoana nitantanana dia averina manontolo amin'ny Sampan-draharaha miadidy ny Ala ny fitantanana.

**Andininy-15 :** Izao fifanarahana izao dia manambara ny maha ara-dalàna ny fitantanana ireo harena voajanahary azo havaozina misy ao an-toerana. Ny famindram-pitantanana dia tsy midika ho famindram-pananana.

Natao teto ....., ny .....

#### **Ireo Mpifanaiky**

Ny Tale Iraisam-paritry  
ny Tontolo Iainana sy ny Fandrosoana Lovainjafy,

Ny Filohan'ny VOI,

Ny Ben'ny Tanàna Arivonimamo II,

#### **Ny mpanatrika**

Ny Lehiben'ny Distrika ARIVONIMAMO,

# **DRAFI-PANAJARIANA SY FITANTANANA**

## **I. FANAZAVANA ANKAPOBENY**

### **I.1 Teny fampidirana**

Manana ny lanjany eo amin'ny fiainan'ny mponina andavanandro tokoa ny fisian'ireo ala Tapia izay harena voajanahary ao amin'ny Fokontany AMBOHITRINILAHY, ankoatry ny fakana ireo hazo maty hanaovana kitay dia ao koa ny fakana ireo vokatra maro samy hafa misy ao anatin'ny faritra. Amin'izao fotoana izao anefa dia hita sy miharihary fa eo an-dalam-pahasimbana tanteraka ireo vondron'ala ireo noho ny doro-tanety sy ny fitrandrahana gaboraraka nisy. Miha mihena ary atahorana ho lany mihitsy araka izany ireo vokatra maro isan-karazany.

Noho ny fahatsapana izany indrindra no nahatonga ny mponina ao anatin'ny Fokontany AMBOHITRINILAHY nanapa-kevitra ny hiaro ireo vondron'ala misy eo aminy. Ny fananganana VOI eo an-toerana mba azahoan'izy ireo misitraka fifanekem-pamindram-pitanana ireo harena voajanahary azo havoazina no hitan'ny mponina ho lâlana mety sy mahomby amin'ny fiarovana ny ala ka naorina ny VOI ZARASOA ny taona 2015. Tao anatin'izay valo (8) taona nijoroany izay dia amin'izao fotoana izao ny VOI ZARASOA vao hisitraka fifanekem-pamindram-pitanana.

### **I.2 Tanjona kendrena**

Mba hiarovana ny ala sy ny zava-misy ao aminy ary ho fampandrosoana ny faritra hiveloman'ny mponina eto amin'ny Fokontany AMBOHITRINILAHY, dia natao ity Drafy-panajariana sy fitantanana ity ho ampiasain'ny VOI ZARASOA. Izany dia afahany manajary, manatsara, miaro ary koa mitantana amin'ny fomba maharitra ny faritra sy ny vokatra ao aminy.

### **I.3 Faharetany**

Telo (3) taona ny faharetan'ny fifanekem-pamindram-pitantanana ny ala. Manankery mandritra io telo (3) taona io ity drafim-panajariana sy fitantanana ity.

Araka ny zava-misy anefa dia azo atao ny mitondra fanovana amin'ity drafy-panajariana ity. Ny fanitsiana rehetra mety ho atao kosa dia tsy maintsy hifanarahana'ny Sampandraharahan'ny Ala, sy ny VOI ZARASOA ary ny Kaominina Arivonimamo II.

Marihina fa rehefa tapitra ny telo taona dia hisy fizohiana atao mikasika ny fitantanana ny faritra. Manaraka izany dia hisy tomban'ezaka momba ny asa vita. Aorian'izay, dia hisy fanitsiana ho fanatsarana ny fampiasana sy ny fitantanana ny faritra.

## **II. Efitry ny faritra hajariana sy ho tantanina**

### **II.1 Toerana ahitana ny Fokontany**

Ny Fokontany AMBOHITRINILAHY dia ao anatin'ny Kaominina Arivonimamo II, Distrika Arivonimamo, Faritra Itasy. Marihana fa ao amin'ny îlot Soanafindra no Foiben-toeran'ny VOI. Izy ihany koa no renivohitry ny Fokontany ka sahabo ho 12 km miala ny renivohitry ny Kaominina no ahitana azy.

Iray ihany (mitovy) ny fangitry ny Fokontany sy ny fangitra mamaritra ny faritra tantanan'ny VOI.

Ireto manaraka ireto ireo Fokontany manodidina sy mamaritra azy:

- Avaratra: Fokontany Mahereza;
- Atsinanana: Fokontany Ambohijatovo;
- Atsimo: Fokontany Kianja;
- Andrefana: Fokontany Betafo.

Ilot efatra (4) no mandrafitra ny VOI dia: Soanafindra, Antanety, Ambohitrinilahy ary Bemahatazana.

Lalana mirefy 12 km eo ho eo no mampitohy ny Kaominina amin'ny Fokontany Ambohitrinilahy ary 08 km eo ny halavirany mihoatra amin'ny renivohitry ny Distrika. Lalan-tany mikisilasila ny ampahany betsaka koa azo lazaina ho sarotra ny lalana mihazo ny VOI Zaraso. Fiara tsy mataho-dalana (4X4) sy Camion ihany no tonga any na dia mandritra ny main-tany aza. Rehefa fahavaratra moa dia tsy misy afa tsy dia an-tongotra sy sarety no azo ampiasaina ary moto ho an'ireo olom-bitsy manana an'izany.



## II.2 Faritra ivelomana tantanin'ny VOI

Ny velaran'ny faritra ivelomana tantanan'ny VOI dia **426 ha** ary ahitana Ala Tapia, ala hafa, tanimbary, tanim-boly samy hafa, toeram-ponenana ary tany ngazana sy tanety.


Araka io efa hita eo ambony io ary dia ireto avy ireo singa mandrafitra ny fari-piveloman'ny VOI sy ireo toetoetra nahafahana namaritra azy tsirairay.

**Tabilao 1 : Ny zanaparitra hita ao amin'ny faripiveloman'ny VOI**

Zana-paritra	Toetoetrany
<b>Ala Tapia</b>	Faritra ahitana ala tapia mbola antoniny sy manify
<b>Ala hafa</b>	Faritra ahitana karazan-kazo hafa nanahary na novolena
<b>Tanimbary</b>	Tany natokana ambolem-bary
<b>Tanim-boly</b>	Tany natokana ambolena mangahazo, katsaka, legioma sy ireo vokatra isan-karazany ary fambolena-kazo toy ny kesika na kininina sy karazan-kazo hafa
<b>Tanety</b>	Faritra tsy ampiasain'ny olona noho ny antony maro samihafa, na haram-bato na tany tsy mamokatra intsony
<b>Tanàna</b>	Faritra ahitana ny trano fonenan'ny olona ao amin'ny fari-pivelomana
<b>Biby dia</b>	Vorona isankarazany (Matoriandro, Takatra, Maritaina, Kibobo, Tsipoy, Goaika, Papango, Hitsikitsika, Ramanavy, Tomanitailatsaka, Sorohitra, Tsintsina, Domoina, sns...), Biby: Sahona, Bibilava, Trandraka, Sokina, Tantely, Kary, tarondro, sns...

**Tabilao 2 : Ny velaran'ny zanaparitra tena fampiasa**

Zana-paritra	Velarany (Ha)	Tahany isan-jato (%)
<b>Ala Tapia</b>	33,26	7,81
<b>Ala hafa</b>	25,25	5,93
<b>Tanim-bary</b>	55,5	13,03
<b>Tany fambolena sy tanety</b>	307,13	72,10
<b>Tanàna</b>	4,86	1,14
<b>TOTALY</b>	<b>426</b>	<b>100</b>



### II.3 Faritra ala hafindra fitantanana ho an'ny VOI


Ny ala ho tantanana sy hohajarian'ny VOI ZARASOA kosa dia ireto ala na faritr'ala voatanisana manaraka ireto:

#### Tabilao 3 : Faritr'ala afindra fitantanana

Ireo ala ireo dia manana velarana sahabo ho **33,26 Ha**.

Laharana	Anaran'ala	Velrana (Ha)
1	Ambaravarambato	5,38
2	Ambarikely	2,02
3	Amborika	1,38
4	Ambotsiafara	1,63
5	Antapiabe	14,95
6	Andohasahalehibe	7,91
	<b>Totaly</b>	<b>33,26</b>

Sarin-tany 3 : Fanehoana ireo faritr'ala afindra fitantanana



### III. Ny mponina sy ny fivelomany

#### III.1 Ny mponina

Merina 100% no mandrafitra ny vahoaka ao AMBOHITRINILAHY ary miisa 279 izy ireo. 111 ny zaza sy ny ankizy ary 168 ireo lehibe raha toa ka 145 ny lahy ary 143 ny vavy. Mitsinjara toy izao manaraka izao ireo mponina araka ny sokajin-taona.

**Tabilao 4 : Isan'ny mponina, mitsinjara araka ny taona**

Ilot	Isan'ny mponina				Totaly
	0-17 taona		+ 18 taona		
	L	V	L	V	
Ambohitrinilahy	8	1	6	9	<b>24</b>
Soanafindra	11	9	19	13	<b>52</b>
Bemahatazana	2	2	3	3	<b>10</b>
Antanety	43	35	53	62	<b>193</b>
<b>TOTALY</b>	<b>64</b>	<b>47</b>	<b>81</b>	<b>87</b>	<b>279</b>

(Loharano: Fanadihadiana ifotony, Sefo Fonkotany, 2022)

Ny isan'ny mpikambana nisoratra anarana ao amin'ny VOI ZARASOA tamin'ny fanorenana, ny taona 2015 dia **69** izay antsoina hoe mpikambana mpanorina. Amin'izao fotoana izao kosa dia raisin'ny VOI ho mpikambana ao aminy avokoa ireo olona rehetra monina ara-dalana ao amin'ny Fokontany Ambohitrinilahy ka feno taona. Miisa 168 ny mpikambana ao amin'ny VOI ny taona 2022.

#### III.2 Ny fiveloman'ny mponina

100% mponina eto amin'ny Fokontany AMBOHITRINILAHY dia mivelona amin'ny fambolena sy ny fiompiana avokoa.

Ankohatra ny maha tantsaha dia misy ihany ireo tokantrano vitsivitsy izay mandrany sy mandrafitra. Tsy natao ho asa fivelomana anefa izy ireny fa natao ho asa an-tselika ihany hanampiana ny fidiram-bola ao an-tokantrano.

Mikasika ny vokatra azo avy amin'ny ala Tapia kosa indray dia ny voatapia no anisan'ny vokatra tena mampidi-bola ho an'ny mponina. Ny holatra sy ny vahona ihany koa dia anisan'ny vokatra azo ampidiram-bola tsara.

#### ❖ Fambolena

Ny fambolem-bary anaty rano no lehibe indrindra amin'ny fambolena ataon'ny mponina ary ny voly mangahazo no manaraka azy. Ankohatra ireo dia mamboly katsaka, vomanga ary legioma isakan-karazany ihany koa izy ireo. Ny olana lehibe manoloana ny fambolena dia ny tsy fifehezan'ny mponina ireo teknika maoderina sy ny tsy fisian'ny teknisiana afaka manara-maso akaiky ny asa fambolena. Tsy mahafeno ny filan'ny mponina ara-tsakafo mandavantaona noho izany ny vokatra azo. Voafintina toy izao manaraka izao ny vokatra ny fambolena ao anatin'ny Fokontany AMBOHITRINILAHY.

**Tabilao 5 : Tahirin-kevitra ara-pambolena**

Karazany	Tahan'ny mponina manao azy	Toerana	Vokatra	Fanamarihana
Vary	100%	Ilot rehetra	10 T/taona	Atao sakafo sy amidy
Mangahazo	100%	Ilot rehetra	2 T/taona	Atao sakafo
Katsaka	100%	Ilot rehetra	0,5 T/taona	Atao sakafo

Karazany	Tahan'ny mponina manao azy	Toerana	Vokatra	Fanamarihana
Vomanga	100%	Ilot rehetra	0,5 T/taona	50% atao sakafo ary 50% amidy
Legioma	70%	Ilot rehetra	1,5 T/taona	Atao sakafo sy amidy
Haricot vert	Tsy fantatra	Soanafinra sy Bemahatazana	230 kg/are	Lécofruit

(Loharano: Fanadihadiana ifotony, ONG SAHA septambra 2022)

Noho ny tsy fisian'ny tsena ao anatin'ny Fokontany sy ao amin'ireo Fokontany manodidina dia any Arivonimamo no hivarotana ireo vokatra rehefa Zoma.

#### ❖ Fiompiana

Ny fiompiana omby no manan-danja indrindra ho an'ny mponina kanefa vitsy ireo manana azy. Ny omby dia manampy amin'ny fiasana tany sy amin'ny asa fitanterana (sarety) ary akana zezika ihany koa ampiasaina amin'ny fambolena. Ny fiompiana akoho kosa no tena be mpanao indrindra satria mora ny masonkarena nefa mamonjy rehetra sendra andro sarotra, ny mponina rehetra dia manana akoho avokoa fa ny isany no tsy mitovy. Ny antsasa-malanan'ny mponina dia miompy kisoa izay natao ho petra-bola mba hitsinjovana ny vody andro merika. Ankohatra ireo dia misy ihany koa ny miompy gana manerana ny fokontany ka ny iray ampahefan'ny mponina no manao azy. Ankohatra ny îlot Ambohitrinilahy dia saika ahitana mpiompy gisa avokoa ireo îlot telo (3) ambony saingy ankavitsiana ireo olona manao azy.

Toy izao manaraka izao ny isan'ny biby misy eo an-toerana sy ny tahan'ny olona manao ny asa fiompiana :

**Tabilao 6 : Tahirin-kevitra ara-piompiana**

Karazany	Isany ananan'ny tokantrano iray	Toerana	% mponina manao azy	Ny ampiasaina azy
Omby	2-3	4 îlots	20%	Asa tany, fitanterana, akana zezika
Kisoa	2-3	4 îlots	50%	Tahiry
Akoho	5-10	4 îlots	100%	Hanina, amidy
Gana	3-10	4 îlots	25%	Hanina, amidy
Gisa	2-4	Antanety, Bemahatazana	5%	Hanina, amidy

(Loharano: Fanadihadiana ifotony, ONG SAHA septambra 2022)

Mbola olana eo amin'ny fiompiana ny tsy fifehezana ny teknika ary manampy trotraka koa ireo aretina maro samihafa toy ny: Barika (akoho), sy ny aretin-kisoa sy ny omby ary ny fahalaviran'ny toerana misy mpitsabo sy misy fanafody azo vidina.

#### ❖ Fampiasana ny ala

Toy izao hita amin'ny fafana manaraka izao ny fampiasan'ny mponina ny vokatra any anaty ala sy ao anatin'ny faritra:

**Tabilao 7 : Fampiasan'ny mponina ny vokatra anaty faritra**

Karazany	Fampiasana azy	Fanamarihana
Hazo Tapia	Hazo maty atao kitay	
Hazo hafa	Atao kitay, taon-trano sy atao arina (charbon)	Hazo novolena

Karazany	Fampiasana azy	Fanamarihana
Voatapia	Hanina sy amidy	
Landy	Soherina: hanina sy amidy amin'ny kapoaka, Landy: amidy amin'ny kilao	Efa tsy misy firy intsony
Bokana	Hanina sy amidy	
Raokandro	Hitsaboana ireo aretina mateti-pitranga	Samy mitsabo ny marariny ny isan-tokantrano
Vahona	Atao fanafody	Azo atao fampidiram-bola fa efa vitsy
Bozaka	Anaovana rary sy hanafoana trano	
Taretra	Amidy na avadika ho tady	Tady: ampiasaina eo an-toerana sy amidy
Bararata	Tao-trano sy fefy	
Holatra	Hanina sy amidy	
Biby dia	Hazaina atao sakafo	Vorona, kary, trandraka, sns...

(Loharano: Fanadihadiana ifotony, ONG SAHA septambra 2022)

Ny tena nanimba sy mbola manimba ny atiala ankehitriny dia ny doro-tanety sy tevy ala hanitarana ny toeram-pambolena. Misy ihany koa ny fanimbana iniana atao.

#### ❖ Hafa

Tokantrano telo (3) no mandrany ka lamba no tena vokarina amin'izany. Araka ny famandrihana (commande) azon'izy ireo avy amin'ireo mpanjifa no isan'ny vokatra vokariny. Tokantrano iray (01) no manao rafitra ka manamboatra fasana no tena ataony, telo (03) kosa ireo tokantrano mandrafitra trano ary efatra (04) ireo manao rafitra hazo. Mijanona ho asan-tselika ihany ny tao-zavatra fa tsy tena fotom-pivelomana.

Tsara ny manamarika fa ireo mpampianatra ao amin'ny sekoly sy ny Sefo Fokontany irery ihany no mandray karama isam-bolana manerana ny Fokontany. Tsy misy mpivarotra (épicerie) mihitsy ao anatin'ny Fokontany.

### V.3. Rafitra mpanampy:

Maromaro ireo rafitra mpanampy nitondra fampandrosoana teo anivon'ny Fokontany.

**Tabilao 8 : Ireo rafitra mpanampy**

Rafitra mpanampy	Taona	Fanampiana noentiny
DIABE	2022-2025	Fambolenkazo
Fafy	2000	Ady amin'ny tsy fanjarian-tsakafo (reny sy ny zaza)
ONG AMI Miarintsoa	2021	Cantine Scolaire
DYNAMIQUE	2022	Fiofanana momba ny fambolena sy fanatsarana ny tany
FERT	2017-2020	Fanampiana amin'ny fiompiana ahoko gasy sy famatsiana zana-kazo fihinamboho

(Loharano: Fanadihadiana ifotony, ONG SAHA septambra 2022)

## IV. Fitsinjarana ny faritr'ala isaky ny sokajim-pampiasana

### IV.1 Toetoetry ny ala

Misokajy roa ny ala Tapia hita ao anatin'ny faritra. Ao ireo sokajiana ho antoniny ary ao kosa ireo ala izay efa manify.


Araka ny vokatra ny fanisana (inventaire) sy ny fanadihadiana natao teny an-toerana dia toy izao manaraka izao ny toetoetr'ireo ala.

**Tabilao 9 : Toetoetr'ireo ala afindra fitantanana**

<i>Faritr'ala</i>	<i>Karazany</i>	<i>Velarany (ha)</i>	<i>Toetry ny Ala Tapia</i>
Amborika	Antonony	1,38	<ul style="list-style-type: none"> <li>- Ala azo lazaina fa mbola tsara</li> <li>- Tsy dia ahitana hazo lehibe</li> <li>- Ahitana solofon-kazo maro</li> <li>- Isan-ny hazo tapia hita ao: <b>218 fototra / ha</b></li> <li>- Hadirin'ny hazo tapia hita ao: <b>2,76 m3/ha</b></li> </ul>
Ambotsiagara	Antonony	1,63	
Andohasahalehibe	Antonony	7,91	
<b>Totaly Antonony</b>		<b>10,91</b>	
Ambaravarambato	Manify	5,38	<ul style="list-style-type: none"> <li>- Ala simbasimba noho ny fitrandrahana sy ny doro-tanety (fanitarana ny tany hambolena, afo tsy voafehy)</li> <li>- Tsy ahitana hazo vaventy</li> <li>- Efa vitsy ihany ireo solofon-kazo</li> <li>- Isan-ny hazo tapia hita ao: <b>27 fototra / ha</b></li> <li>- Hadirin'ny hazo tapia hita ao: <b>0,25 m3/ha</b></li> </ul>
Ambarikely	Manify	2,02	
Antapiabe	Manify	14,95	
<b>Totaly Manify</b>		<b>22,35</b>	
<b>TOTALY</b>		<b>33,26</b>	

(Loharano: Famakafakana ny vokatra ny Fanisana, fanadihadiana teny ifotony – ONG SAHA, 2022)

Sarin-tany 4 : Fanehoana ny toetoetr'ireo ala afindra fitantanana



## VI.2. Sokajim-paritra

Nosokajina toy izao manaraka izao araka ny tantom-pitantana ireo faritr'ala tapia tantanan'ny VOI ZARASOA:

**Tabilao 10 : Fisokajiana ireo faritr'ala tapia araka ny tanjom-pitantana**

<b>Faritr'ala</b>	<b>Tantom-pitantana</b>	<b>Velarany (Ha)</b>
Andohasahalehibe	Faritra arovana	7,91
<b>Totaly Faritra arovana</b>		<b>7,91</b>
Amborika	Faritra atevenina	1,38
Ambotsifara	Faritra atevenina	1,63
Ambaravarambato	Faritra atevenina	5,38
Ambarikely	Faritra atevenina	2,02
Antapiabe	Faritra atevenina	14,95
<b>Totaly Faritra Atevenina</b>		<b>25,35</b>
<b>Totaly</b>		<b>33,26</b>

### **FANAMARIHANA HO AN'NY ALA TAPIA REHETRA**

“Ny ala na hazo tapia rehetra ao anatin'ny faritra afindra fitantanana dia faritra arovana avokoa.”

- Tsy maintsy esorina ny kesika sy ny kininina na kely na lehibe;
- Tsy azo atao ny misoro-pako;
- Tsy azo atao ny manao fatana arina.


Toy izao manaraka amin'ny tabilao ambany izao kosa ny fomba fampiasana azy:

**Tabilao 11 : Fisokajiana ireo faritra araka ny tanjom-pitantanana**

<i>Tanjom-pitantanana</i>	<i>Fampiasana azy</i>	<i>Rafim-pitantanana apetraka</i>
Faritra atevenina	<p><b><u>Tsy azo atao</u></b>                      Manapaka hazo tapia lena                      Manapaka karazan-kazo rehetra tsy nazahoana alalana                      Mamboly hazo hafa ankoatra ny tapia</p> <p><b><u>Azo atao</u></b>  <b>Fambolena Tapia</b>                      Zo nentim-paharazana: hazo maty, holatra, bozaka, raokandro, voatapia, saroy, bokana tantely dia</p>	Polisin'ala na Vaomiera isam-paritra Komity mpitantana
Faritra arovana	<p><b><u>Tsy azo atao</u></b>                      Manapaka hazo tapia lena                      Manapaka karazan-kazo rehetra tsy nazahoana alalana                      Mamboly hazo</p> <p><b><u>Azo atao</u></b>                      Zo nentim-paharazana: hazo maty, holatra, bozaka, raokandro, voatapia, saroy, bokana tantely dia</p>	Polisin'ala na Vaomiera isam-paritra Komity mpitantana
Faritra natao ambolena sy tsy voasokajy	<p><b><u>Tsy azo atao</u></b>                      Manitatra tanim-boly sy mandoro ny manamorona ny ala tapia</p> <p><b><u>Azo atao</u></b>  <b>Fambolena hazo</b>                      Zo nentim-paharazana: hazo maty, bozaka, taretra, bararata, vika, sns ..., araka ny fahafahan'ny faritra                      Manatsara ny teknika fambolena mba hampitomboana ny vokatra miakatra</p>	Komity mpitantana Polisin'ala na Vaomiera isam-paritra

(Loharano: Fivoriana fanadihadiana ny fampiasana sy ny fitantanana ireo vondron'ala – ONG SAHA, 2022)

Sarin-tany 5 : Fanehoana ny drafi-panajariana ny faritra afindra fitantanana



## **V. Fitsipika amin'ny ankapobeny**

Toy izao manaraka izao ny fitsipika ankapobeny mifehy ireo vondron'ala voalaza etsy ambony:

- Mba hampirindra ny fitantanana dia tsy maintsy hajaina ny fitsinjarana ny faritra ato anatin'ny drafi-panajariana sy fitantanana;
- Tsy maintsy misy fandaminana ny fampiasana ny zo netimpaharazana;
- Tsy azo atao ny manao tevy ala ao anatin'ny faritra tantanina;
- Ny hazo maina dia natokana ho ampiasaina amin'ny filàna andavanandro ary tsy azo amidy na atao fitadiavam-bola.

## **VI. Fitsipika hanajariana sy hitantanana sy fizaram-paritra tsirairay sy ny vokatra ao aminy**

Ireo faritr'ala voatanisa ao amin'ny tabilao faha 10 araka ny sokajiny avy no voafariparitra manaraka eto.

### **VI.1 Mikasika ny fampiharana ny zo nentim-paharazana.**

Araka ny fahazarana ara-piaraha-monina misy sy ny toetoetry ny ala ankehitriny, dia noferana ho toy izao manaraka izao ireo zo nentim-paharazana momba fampiasana ny ala eto amin'ny faritra tantanan'ny VOI:

- Ny fototra Ala Tapia lena rehetra dia tsy azo tapahina na ao anatiny na any ivelan'ny ala;
- Ny Ala Tapia rehetra dia azo hanaovana ny zo nentim-paharazana voalaza ao amin'ity takila ambany ity izay mamaritra ihany koa ny fangatahana fazahoan-dalana na tsia mahakasika ny fitrandrahana;
- Ny mpikambana te hampiasa ny zony dia tsy maintsy mandefa fangatahana mialoha any amin'ny kaomity mpitantana. Faritana mazava ny antony sy ny zavatra angatahana;
- Ny karazam-biby dia azo hazaina fa kosa manaraka ny fepetra momba ny fihazana sy ny fanajana ny fe-potoana;
- Ny fampiharana ny zo netim-paharazana dia ferana araka ny fahafahan'ny vokatra ary omena laharam-pahamehana ireo mpikambana mavitrika;
  - Ny atao hoe mpikambana mavitrika dia ireo mpikambana:
    - Mahaloha latsakemboka ara-dalana;
    - Tonga mamonjy ny fivoriana ara-potoana;
    - Tsy tapaka amin'ny asa iraisan'ny VOI;
    - Na raha misy tsy fahafahana ka tena maripototra ny antony, dia mandefa filazana mialoha mifanaraka amin'ny Fitsipika anaty sy ny Dina
  - Ny tombony azon'ny mpikambana mavitrika manokana dia faritan'ny fikambanana isan-taona mandritra ny fivoriambe. Miankina amin'ny habetsakin'ny vokatra azo alaina isan-taona izany.
- Raha olona ivelan'ny VOI kosa dia mandoa sarany amin'ny VOI araka ny Dina.
- Iharan'ny sazy izay mampihatra ny zo nentim-paharazana raha miseho ireto tranga ireto.

- Olona mpikambana amin'ny VOI tsy nangataka alalana arakaraka ny vokatra trandrahina hita eo amin'ny tabilao eo ambany;
- Olona tsy mpikambana ka maka ireo vokatra nefa tsy nahazo alalana.
- Tsy azo atao ny mivarotra ny zo netimpaharazana na ao anatiny na any ivelan'ny faritra. Izay mandika izany dia ampiharana ny Dina avy hatrany;
- Ny Dina eny ampelan-tanan'ny VOI no milazalaza ireo saran'ny sazy aloa arakaraka ny vokatra alaina.

**Tabilao 12 : fepetra mikasika ny fampiharana ny zo nentim-paharazana**

Karazam-bokatra	Karazan-kazo, zava-maniry voakasika	Fangatahana fahazoan--dalana amin'ny komity mpitantana
Hazo maty	Tapia	Eny
Hazo lena (ankoatra ny tapia)	Kesika, Kininina novolena sy ny sisa	Eny
Holatra	Holatra	Tsia
Bozaka	Haravola, vendrana, horopotsy	Eny
Raokandro na ravi-maintso	Zamborozano, tsingila, hatsikana, horokely, vahona	Tsia
Vokatra hafa	Taretra, ampangabe, hazon-drano, herana, tantely	Eny Manao fifanarahana amin'ny tompony raha eny antanin'olona
Voankazo	Tapia (voan-tapia)	Tsia
Biby isan-karazany	Bokana, Mavokely, saroy, soherina, tantely dia, trandraka, sokina	Tsia

## VI.2 Mikasika ny faritra atevenina sy ampiharana ny zo nentim-paharazana

Ireo faritra izay nosokajiana ho mbola manana Ala Tapia efa andalam-pahasimbana na nosokajiana ho manify nandritra ny fitsirihana natao. Mbola azo arenina tsara ihany koa izy ireo.

Ho fanarenana azy ireo dia sosohana zanaka Tapia ireo faritra ireo ka ny mpikambana ao amin'ny VOI no manao izany amin'ny fotoana mahamety azy. Ireto avy ny azo atao sy tsy azo atao ao amin'io faritra io.

### Tsy azo atao

- Manapaka hazo tapia lena
- Manapaka karazan-kazo rehetra tsy nazahoana alalana
- Mamboly karan-kazo hafa ao anatiny sy manodidina azy
- Misoro-pako ao anaty ala Tapia

### Azo atao

- Fambolena Tapia
- Zo nentim-paharazana: hazo maty, holatra, bozaka, raokandro, voatapia, saroy, bokana tantely araky ny fahafahan'ny faritr'ala. Voafetra kosa ny fangalana vokatra ireo satria efa manify ny ala

## VI.3 Mikasika ny faritra arovana ampiharana ny zo nentim-paharazana

Ireo faritra mbola manana Ala Tapia tsaratsara nandritra ny fitsiriana natao no sokajiana ho faritra arovana sy ampiharana ny zo nentim-paharazana. Efa tsy mikitroka intsony izy ireo fa mbola azo arenina tsara.

Ho fanarenana azy ireo dia harovana tsara izy ary avela hia-matevina hatrany hatrany amin'ny alalan'ireo solofony mba afahana misitraka ireo vokatra izay hita ao aminy rehefa any aoriana any amin'ny alalan'ny fampiharana ny zo nentim-paharazana.

#### **Tsy azo atao**

- Manapaka hazo tapia lena
- Manapaka karazan-kazo rehetra tsy nazahoana alalana
- Mamboly hazo ao anatiny sy manodidina azy
- Misoro-pako ao anaty ala Tapia

#### **Azo atao**

- Zo nentim-paharazana: hazo maty, holatra, bozaka, raokandro, voatapia, saroy, bokana tantely araky ny fahafahan'ny faritr'ala. Voafetra ny fangalana ireo vokatra ireo satria efa manify ny ala.

### **VI.4 Mikasika ny faritra natao ambolena sy tsy voasokajy**

Ireo faritra ankoatra ny faritr'ala ka ahitana harena voajanahary azo havaozina ao anatin'ny faritra afindra fitantanana no voaresaka eto. Eo ihany ireo faritra fambolena isankarazany fa indrindra indrindra koa fa ireo tany tsy manan-tompo (tanety, kijana, savoka, harambato, sns...).

#### **Tsy azo atao**

- Manitatra ny tanim-boly manamorona sy anaty ala tapia
- Doro-tanety na fandroana fako tsy nahazoana alalana

#### **Azo atao**

- Fambolena Tapia sy karazan-kazo samy hafa
- Manatsara ny teknika fambolena mba hampitomboana ny vokatra miakatra

## **VII. Andraikitr'ireo ankolafin-kery voakasika**

### **VII.1 Ny Fari-piadiam-paritry ny Tontolo Iainana sy ny Fandrosoana Lovainjafy**

Andraikitry ny Ben'ny ala ny:

- Manofana ny VOI momba ny lalàna mifehy ny ala sy ny teknika maro samihafa mahakasika ny fitantanana sy fitrandrahana maharitra ny vokatry ny ala, fanomezana fahazoan-dàlana, ny fambolan-kazo manara-penitra, sns...;
- Manome fahazoan-dàlana hikapa hazo novolena ao aorian'ny fanamarinana ataon'ny VOI;
- Manampy amin'ny famahana ireo olana samihafa raha tsy voavahan'ny VOI sy ny Kaominina;
- Mampihatra ireo lalàna velona rehefa misy manao fahadisoana ka tsy manaiky ampiarana Dina ilay olona na koa tsy voasahan'ny Dina ny heloka nataony;
- Manaramaso ireo asa vita araka ny voalazan'ny drafy-panajariana.

### **VII.2 Ny Kaominina**

Ny andraikitry ny Kaominina:

- Ny Kaominina no mpiahy voalohany ny VOI misahana ny fitantanana ny harena voajanahary azo havaozina ao anatin'ny toerana hiadidiana;
- Andraikitry ny Kaominina no mankatò ny fitsipi-pifehezana izay volavolain'ny VOI ary manampy azy amin'ny fampiharana izany eny an-toerana;

- Manaramaso sy mandamina ny olana misy ateraky ny fitantanana ny harena voajanahary azo havaozina.

### **VII.3 Ny VOI ZARASOA**

Mba ho lavorary ny fanatanterahana ity drafi-panajariana sy fitantanana ity dia ireto voatanisa manaraka ireto ny tokony ho ataon'ny VOI ZARASOA isan-taona mandritra ny telo taona.

#### ***VII.3.1 Asa fiofanana***

Noho ny antony samihafa dia maro ireo zavatra mbola tsy nahazatra ny VOI nefa takiana aminy ao anatin'ny fifanarahana famindram-pitantanana, noho izany dia ilaina ny fanamafisana ny fahaizamanaon'izy ireo amin'ny alalan'ny fampiofanana azy.

##### **❖ Fiofanana amin'ny fitantanana-draharaha**

Mba hisian'ny fahaiza-manao sy fahaiza-mitantana ho an'ny fikambanana dia ilaina ny fiofanana ireo komity mpitantana ao amin'ny VOI eo amin'ny fitantanana-draharaha ankapobeny (fitanana an-tsoatra, taratasim-pifandraisana, fanaovana tatitra, fitantanana-bola, fanaraha-maso ny ala, sns.).

##### **❖ Fiofanana amin'ny fambolena-kazo**

Ilaina ny fanofanana ny mpikambana rehetra ao amin'ny VOI amin'ny teknika fambolena hazo manarapenitra mba hanatsarana ny haitao sy ny vokatra. Ny teknisianina no hampianatra azy ireo io teknika io ka manomboka hatrany amin'ny fomba fakana zana-kazo ka hatrany amin'ny fomba fikolokoloana ny hazo nambolena no hiofanana amin'izany.

##### **❖ Fiofanana momba ny fanapahana hazo**

Ilain'ny mpikambana rehetra ny fiofanana mikasika ny fomba fanapahana hazo (hazo novolena natokana hampiasaina no resaka eto) mba hampihena ny fandania be fahatany ny ala sy mba hahatsara ny tsiriny. Ny teknisianina ao amin'ny sampandraharaha miadidy ny Ala miaraka amin'ny mpiaramiombon'antoka hafa no tompon'andraikitra amin'ny fampianarana io teknika io.

##### **❖ Fiofanana hafa mikasika ny asa fampandrosoana: fiompiana tantely, voly vary manara-penitra, fanamboarana zezika (compost), sns...**

Mba ho fampandrosoana ny fari-piveloman'ny mpikambana ao amin'ny VOI sy ahafahany manajary, manatsara sy mitantana amin'ny fomba maharitra ny ala sy ny vokatra ao aminy, dia ilainy ihany koa ny miofana mikasika ny asa fampandrosoana isankarazany toy ny fiompiana trondro, tantely, voly vary maro anaka, fanamboarana zezi-pahitra, sns., araky ny filan'izy ireo. Ny tompon'andraikitra voalohany amin'ny fanatanterahana izany fiofanana izany dia ireo mpitantisoroka na mpiaramiombon'antoka.

#### ***VII.3.2 Asa fanentanana sy fampahafantarana ny famindram-pitantanana izay natao***

##### **❖ Fanentanana sy fampahafantarana ary fanazavana ny amin'ny zo sy andraikitra ny VOI ary ireo fitaovam-pitantanana samihafa amin'ny mpikambana VOI rehetra**

Anjaran'ny Komity mpitantana ny manao asa fanentanana sy fampahafantarana ny mpikambana rehetra ao amin'ny VOI ny zo sy andraikitra miandry azy ireo ary koa fanazavana sy fampatsiahivana ireo fitaovam-pitantanana rehetra (fifanekena, bokin'andraikitra, Dina, drafi-panajariana) ampiasaina amin'izany. Izany dia ho tanterahina amin'ny alalan'ny fivoriamben'ny mpikambana.

##### **❖ Fampahafantarana ny Fokontany hafa ivelany ny amin'ny famindram-pitantanana natao**

Mba aha-tomombana ny fampiharana ny famindram-pitantanana izay natao, dia tokony ho fantaty ny rehetra ny fisian'ny famindram-pitantanana sy ireo fepetra rehetra takian'izany. Noho izany dia ny VOI manontolo no tompon'andraikitra, miaraka amin'ny kaomina eo amin'ny fanentanana ny faritra manodidina mikasika ny famindram-pitantanana vaovao izay mihatra amin'ireo, ny fepetra tsy maintsy

arahina sy fitsipi-pifehezana ary ny drafi-panajarina. Izany rehetra izany dia ho tanterahina amin'ny alalan'ny fitetezana ireo Fokontany hafa ireo.

### ***VII.3.3 Asa fanajariana.***

#### ***❖ Fanatevenana ny atiala***

Ilaina ny asa fanatevenana mba hamerenana amin'ny laoniny ireo ala simban'ny fitrandrahana diso tafahoatra ka ny mpikambana ao amin'ny VOI no mifandrimbona manao izany asa izany.

#### ***❖ Fambolen-kazo***

Anisan'ny asan'ny VOI ny manatanteraka voly hazo iraisana sy isam-batan'olona. Ny fanatanterahana izany dia faritana ao amin'ny drafitr'asa isan-taona. Faritana ny toerana sy ny velan'ny tany ary ny isan'ny zana-kazo ho volena mandritra ny taona manaraka ho an'ny volin'ny fikambanana ary ho an'ny isan-tokantrano kosa dia faritana ao anatin'ny drafitr'asa ihany koa ny isan'ny zana-kazo ho zaraina.

#### ***❖ Fiadiana amin'ny tevia***

Olana lehibe izay manimba ny faritr'ala tantanina ny tevia. Noho izany dia asa miandry ao anatin'ny ady amin'ny tevia ny fanentanana sy ny fampafantarana ireo lalàna misy sy mifandraika amin'ny tevia ary indrindra indrindra koa fa ireo voka-dratsin'ny tevia.

#### ***❖ Fiadiana sy fiarovana amin'ny afo***

Mba hisorohana ny doro-tanety ihany koa dia tokony hanao aro afo manodidina ireo faritra atahorana toy ireo toerana fihavin'ny afo isan-taona sy manodidina ireo toerana tiana arovana toy ny faritra fambolen-kazo sy ireo vondron'ala nafindra fitantanana.

#### ***❖ Fiarovana ny tanety sy ny tanim-boly***

Fanatevenana ny aro-riaka, fiarovana ny lavaka tsy hitatra, fiarovana ny nofon-tany.

### ***VII.3.4 Asa fanaraha-maso***

#### ***❖ Fitsirihana sy fisafoana ny faritr'ala ho tantanina***

Na dia efa misy aza ireo polisin'ala izay manatanteraka asa fisafoana ao anatin'ny faritra, ny mpikambana rehetra ao amin'ny VOI dia tompon'andraikitra ihany koa amin'ny fanaraha-maso ny fampiharana ny zo nentim-paharazana izay mifanaraka amin'ity drafi-panajariana ity. Izany no atao dia ny mba hisorohana ny fitrandrahana baranahiny izay mety hamotika haingana ny faritra.

#### ***❖ Fanaraha-maso ny tevia***

Amin'ny fotoanan'ny doro tanety dia araha-maso tsara ny afo eny amin'ny faritr'ala ary vonoina avy hatrany ny afo raha misy.

#### ***❖ Fampiharana ny Dina***

Mba tsy ho zava-poana ny fanaraha-maso dia hisy famaizana an'ireo izay tratra manao fahadisoana amin'ny alalan'ny fampiharana ny Dina. Koa satria efa misy ny Dinam-paritra, dia io Dinam-paritra no ampiasain'ny VOI ho lalàna sy fifampihezana ao anatin'ny faritra afidra fitantanana aminy.

### ***VII.3.5 Asa fifandraisana amin'ny any ivelany***

#### ***❖ Fanaovana tatitra amin'ny Kaominina sy ny Sampandraharahan'ny ala***

Tsy maintsy mifandray amin'ny any ivelany ny VOI mba ahafahan'ireo mpiara-miombon'antoka hafa manampy sy manohana azy. Mba hahalavorary izany dia manao tatitra isam-bolana any amin'ny Kaomina sy ny Ben'ny ala ireo Komity mpitantana ao amin'ny VOI.

#### ***❖ Fiaraha-miasa amin'ny VOI hafa***

Tsara raha mifandray amin'ireo VOI hafa efa manana traikefa ny VOI ZARASOA ary misintona lesona ny amin'izay nety sy ny tsy nety teo amin'ny fiainan'ireo VOI hafa ireo sy ny amin'izay fepetra

noraisiny manoloana ireo tranga sy ireo olana maro samihafa mikasika ny fitondrana ny fikambanana sy ny fitantanana mirindra ny harena voajanahary azo havaozina. Izany dia tokony hataon'ny birao mbaentina hanatsarana sy hampandeha araka ny tokony ho izy ny fitantanana ireo vondron'ala.

❖ Fitadiavana mpanohana amin'ireo tetik'asa fampandrosoana kasaina hatao

Tokony hampafantarina ireo mpitantsoroka sy ireo rafitra mpanampy ny famindram-pitantanana izay natao afahana mijery izay fiaraha-miasa azo tanterahina hanatsarana sy aha-tomombana ny famindram-pitantanana sy ny fitadiavana mpanohana amin'ireo tetik'asa fampandrosoana kasaina hatao.

***VII.3.6 Fizohiana sy tomban'ezaka***

Mba ho fampiharana sy ho fandrindrana ireo asa rehetra ireo dia tsy maintsy manao lamin'asa sy tomban'ezaka isan-taona ny VOI. Ny komity mpitantana miaraka amin'ny Ben'ny ala no manao ny fizohiana atao mikasika ny habetsaky ny vokatry nampiasaina sy manao ny tomban'ezaky ny asa sy ny dingana rehetra vita. Amin'ny alalan'ny fivoriambe no hanatanterahana izany isan-taona.

Ny sampanandraharaha miadidy ny Ala miaraka amin'ny Kaominina no manao ny tomban'ezaka rehefa tapitra ny telo taona.

**VIII. Ny drafitr'asa isan-taona**

Toy izao ny drafitr'asa ao anatin'ny telo taona ho an'ny VOI mandritra ny fitantanana.

**Tabilao 13 : Ny drafitr'asa mandritra ny telo taona ho an'ny VOI**

Paik'ady	Asa atao	Zanak'asa	Tompon'andraikitra	Taona anatanterahana azy			Fotoana hanatontosana azy	Mari-pandrefesana
				1	2	3		
<b>Fanamafisana ny fahaiza-manaon'ny VOI</b>	Fampiofanana ny VOI	Fiofanana amin'ny fitantanan-draharaha	Komity mpitantana ny VOI, Sampandraharaha miadidy ny Ala, Kaominina, Fokontany	x	x		Telo volana voalohany:	Isan'ny fiofanana atao sy ny fampiharana azy Karazan'ny fitaovam-pitantanana ananan'ny VOI
		Fiofanana amin'ny teknika fambolen-kazo any amin'ireo faritra hatevenina	Mpikambana rehetra, Sampandraharaha miadidy ny Ala	x	x	x	Akaiky ny fotoana fambolen-kazo	Isan'ny fiofanana omena sy ny mpiofana Isan'ny mpikambana mampihatra ny teknika manara-penitra
		Fiofanana momba ny fanampahana hazo (zo nentim-paharazana)	Komity mpitantana ny VOI, Sampandraharaha miadidy ny Ala	x			Aout sy Septambra Oktobra	Isan'ny fiofanana omena sy ny mpiofana Isan'ny mpikambana mampihatra ny teknika manara-penitra
		Fiofanana hafa mikasika ny asa fampandrosoana: fiompiana tantely, voly vary manara-penitra, fanamboarana zezika (compost), sns.	Mpikambana rehetra, sampandraharaham-panjakana voakasika,	x	x	x	Araky ny filàna	Isan'ny fiofanana omena sy ny mpiofana Isan'ny mpikambana mampihatra ny teknika manara-penitra

Paik'ady	Asa atao	Zanak'asa	Tompon'andraikitra	Taona anatanterahana azy			Fotoana hanatontosana azy	Mari-pandrefesana
				1	2	3		
<b>Fampahafantarana ny famindram-pitantanana izay natao</b>	Asa fanentanana sy fampahafantarana ny mpikambana ny amin'ny zo aman'andraikiny sy ny amin'ireo fitaovam-pitantanana samihafa	Fivoriamben'ny mpikambana	Mpikambana rehetra, Komity mpitantana ny VOI, Sampandraharaha miadidy ny Ala,	x	x	x	Isaky ny volana Jonas y Desambra	Isan'ny mpikambana voaentana isan-taona
	Fampahafantarana ny manodidina ny amin'ny famindram-pitantanana natao	Fitetezana ny Fokontany manodidina	Kaomina Komity mpitantana ny VOI Mpikambana VOI rehetra	x	x	x	Aprily sy Aogositra	Isan'ny fivoriana fampahafantarana atao Isan'ny fitetezana tanana
<b>Fanajariana ireo vondron'ala nafindra fitantanta</b>	Fanatevenana ny atiala	Fanasosohana zanaka hazoala amin'ny ala arovana	Mpikambana VOI rehetra	x	x	x	Desambra hatramin'ny Febroary	Isan'ny zanakazo voavoly
	Ady amin'ny teviaala	Fanaovana aro afo eo amin'ny toerana fambolen-kazo sy amin'izay toerana heverina fa fiavin'ny afo isan-taona	Mpikambana VOI rehetra	x	x	x	Aprily sy May	Refin'ny aro afo vita
		Fanentanana ny ady amin'ny teviaala (lalàna misy, voka-dratsy)	Komity mpitantana ny VOI, Sampandraharaha miadidy ny Ala	x	x	x	Aprily	Tatitra fivoriana fanentanana natao Isan'ny olona tonga nanatrika ny fivoriana fanentanana
		Famonoana ny afo raha misy izany	Mpikambana VOI rehetra	x	x	x	Mandavan-taona	Isan'ny mpandray anjara Velaran'ny faritra may

Paik'ady	Asa atao	Zanak'asa	Tompon'andraikitra	Taona anatanterahana azy			Fotoana hanatontosana azy	Mari-pandrefesana
				1	2	3		
								Isan'ny afo voavono
<b>Fanaraha-maso ny faritra tantanina</b>	Fitsirihana sy fisafoana ireo faritr'ala tantanina	Fanaraha-maso ny fomba fampiharana ny zo nentim-paharazana	Polisin'ala, Mpikambana rehetra	x	x	x	Mandavan-taona	Isan'ny fitsirihana atao isan-taona
		Fanaraha-maso ny teviaala	Polisin'ala, Mpikambana rehetra	x	x	x	Mandavan-taona	Refin'ny aro afo isaky ny toerana fambolenkazo Isan'ny doron-tanety voavono
	Fampiharana ny fitsipi-pifehezana	Famaizana ireo tratra manao fahadisoana	Komitin'ny fampiharana ny fitsipi-pifehezana Komity mpitantana ny VOI, Ray aman-dreny eo an-tanàna, Fokontany	x	x	x	Mandavan-taona	Isan'ny fandikan-dalàna nampiharana ny Fitsipi-pifehezana
<b>Fifandraisan'ny VOI amin'ny any ivelany</b>	Fanaovana tatitra any amin'ireo mpiaramiombon'antoka samihafa	Fanaovana tatitra any amin'ny Kaominina	Filoha sy mpitant-soratra ny VOI	x	x	x	Isaky ny faran'ny volana	Isan'ny tatitra alefa any amin'ny Kaominina
		Fanaovana tatitra any amin'ny sampandraharahan'ny ala	Filoha sy mpitant-soratra ny VOI	x	x	x	Isaky ny faran'ny volana	Isan'ny tatitra alefa any amin'ny sampandraharahan'ny ala
	Fiaraha-miasa amin'ny VOI hafa	Fifanakalozana amin'ireo VOI efa manana traik'efa tamin'ny famindram-pitantanana	Komity mpitantana ny VOI	x	x	x	Mandavan-taona	Isan'ny fiaraha-miasa Karazana fiaraha-miasa

Paik'ady	Asa atao	Zanak'asa	Tompon'andraikitra	Taona anatanterahana azy			Fotoana hanatontosana azy	Mari-pandrefesana
				1	2	3		
	Fitadiavana mpanohana amin'ireo tetik'asa fampandrosoana kasaina hatao	Fiaraha-miasa akaiky amin'ireo mpitantsoroka sy ireo rafitra mpanampy rehetra	Komity mpitantana ny VOI, Sampandraharaha miadidy ny Ala, Kaominina, Fokontany	x	x	x	Mandavan-taona	Isan'ny fangataham-piaraha-miasa natao Karazana fanohanana Fandraisan'anjaran'ny mpanohana
<b>Fizohiana sy tomban'ezaka</b>	Fizohiana mikasika ny habetsaky ny vokatra nampiasaina.	Fidinana eny an-toerana	Komity mpitantana ny VOI, Sampandraharaha miadidy ny Ala, Kaominina			x	Amin'ny faran'ny faharetan'ny famindram-pitantanana	Isan'ny fitsidihana atao Fitohizan'ny fifanekem-pamindram-pitantanana
	Fanaovana tomban'ezaka ny taom-pitantanana nodiavina	Fivorian'ny Komity mpitantana	Komity mpitantana ny VOI Sampandraharaha miadidy ny Ala, Kaominina	x	x	x	Aprily, Aogositra, Desambra Tsy voafetra rehefa ilaina	Fitanana an-tsoratra fivoriana
		Fivoriam-be	Mpikambana VOI rehetra	x	x	x	Desambra, Jona	Fitanana an-tsoratra fivoriana Isan'ny mpivory
	Fanaovana lamin'asa ho an'ny taona manaraka	Fivorian'ny Birao	Komity mpitantana ny VOI, Sampandraharaha miadidy ny Ala, Kaominina	x	x	x	Oktobra-Novambra	Fitanana an-tsoratra fivoriana

## IX. Fepetra sy fomba fikirakirana ity drafi-panajariana sy fitantanana ity

Ity Drafi-panajariana sy Fitantanana ny faritra ao Ambohitrinilahy ity dia natao indrindra ho tari-dalana maharitra ho an'izay rehetra te-hanao asa ao anatin'ireo vondron'ala nafindra fitantanana tamin'ny VOI ZARASOA.

Ny ahitana ity drafi-panajirina ity dia amin'ireto manaraka ireto:

- Ny VOI ZARASOA: nahazo ny fifanekem-pamindram-pitantanana avy amin'ny Sampandraharahan'ny Ala
- Ny Kaominina Arivonimamo II: mpiahy mivantana ny VOI.
- Ny Fari-piadidian'ny Tontolo Iainana sy ny Fandrosoana Lovain-jafy: mifanampy amin'ny VOI.

### IX.1 Ho an'ny VOI ZARASOA

- Tsy maintsy manaja ireo fepetra rehetra voalazan'ny Drafi-panajariana ny V.O.I. Ny tsy fankatoavana izany dia mahatonga sazy omen'ny Foibem-paritry ny Tontolo Iainana sy ny Fandrosoana Lovainjafy izay mety hiafara hatramin'ny fanafoanana ny fifanekem-pamindram-pitantanana.
  - Ny tsy fampiharana Dina amin'ny olona manao fahadisoana, ny tsy fanaovana drafitr'asa isan-taona sy ny tsy fanatanterahana azy ary ny fisiana fanapahana hazo tapia tsy nandraisana andraikitra dia mitarika *fanomezana fampitandremana* ;
  - Ny fahazoana fampitandremana in-telo (03), fisiana fanaovana teviaala tsy nandraisana andraikitra ary ny fisiana doro-ala tsy nandraisana andraikitra dia mitarika *fampiantoana ny fifanekena*;
  - Ny fahazoana fampiantoana indroa (02) sy/na ny fisiana doro-ala tapia tsy nandraisana andraikitra dia mitarika *fanafoanana ny fifanekena*.
- Ny Filohan'ny VOI na izay olona tendreny no tompon'andraikitra amin'ny fikajiana an'ity Drafi-panajariana sy Fitantanana ity.
- Tsy maintsy ampahafantarina ny mpikambana rehetra tsy ankanavaka ny vontoin'ity Drafi-panajariana ity. Ny birao mpitantana ny VOI no tompon'andraikitra voalohany amin'izany. Azon'ny Birao atao ny maka toro-hevitra na fanampim-panazavana amin'ny lehiben'ny Sampandraharaha miadidy ny Ala, eo an-toerana izay niara- namolavola azy.
- Tsy azon'ny mpikambana atao ny manova na mandrava izay raketin'ity drafi-panajariana sy fitantanana ity.
- Tsy maintsy asehon'ny Birao an'izay Fikambanana na mpamatsy vola te-hanohana ny V.O.I amin'ireo tetik'asa fampandrosoana tiany atao ity Drafi-panajariana ity. Zon'ny V.O.I tanteraka ny mandà izay rehetra mety tetik'asa tian'ny mpanohana haroso ka mifanohitra amin'izay voalazan'ity Drafi-panajariana sy fitantanana ity.

### IX.2 Ho an'ny Kaominina Arivonimamo II

- Amin'ny maha-vondrona mpiahy ny VOI ZARASOA azy dia zon'ny Kaominina Arivonimamo II ny mahafantatra tsara izay voarakitra ao amin'ity Drafi-panajariana sy Fitantanana ny faritra ao AMBOHITRINILAHY ity.
- Ho fampandrosoana ny Kaominina dia, tokony ampidirina ao amin'ny drafi-pampandrosoana rehetra (PCD, SAC, sns) an'ny Kaominina izay voalazan'ny drafi-panajariana sy fitantanana, indrindra fa mahakasika ny tetik'asa fampandrosoana mandala ny Tontolo Iainana.
- Azon'ny Kaominina atao ny mamatsy vola na fitaovana ny V.O.I sy mampiseho ity Drafitra ity amin'ireo mila izany (Manam-pahefana, mpamatsy vola, mpikaroka...)
- Azon'ny Kaominina atao koa ny manao ity Drafitra ity ho modely fampandrosoana sy fikajiana ny harena voajanahary any amin'ny faritra hafa ao amin'ny Kaominina ka tsy mbola misy V.O.I
- Adidin'ny Kaominina ny mampahafantatra ny fisian'ity drafi-panajariana ity any amin'ny kaominina manodidina.

### **IX.3 Ho an'ny Mpanohana**

- Izay Fikambanana na olon-tsotra te-hanohana ara-bola na ara-pitaovana ny VOI amin'ireo tetik'asa tiany hatao dia tsy maintsy manaja ireo fepetra sy toro-lalana voalazan'ity Drafipanjariana ity; tsy maintsy mandrafitra Drafitr'asa isan-taona miaraka amin'ny V.O.I izy amin'izany.
- Afaka mijery sy mitrandraka ity drafitra ity miaraka amin'ny VOI sy ny Kaominina mpiahy.

### **IX.4 Ho an'ny Foibe iraisam-paritry ny Tontolo Iainana sy ny Fandrosoana Lovainjafy Itasy**

- Zony tanteraka ny manafoana ny famindram-pitantanana raha toa ka voaporofa fa tsy nahatanteraka ny voalazan'ity Drafipanjariana ity ny VOI. Ny fanatanterahana izany dia tsy maintsy mifanaraka amin'izay voalazan'ny lalana.
- Mba hahalavorary ny fampiasana ity drafipanjariana sy fitantanana ity dia anjara asan'ny Foibem-paritry ny Tontolo Iainana sy ny Fandrosoana Lovainjafy ny:
  - manoro ny fenitra sy ny didy aman-dalàna misy;
  - mitantsoroka sy mampihofana ara-teknika ny VOI,
  - mampihatra ny didy aman-dalàna sy ny fenitra,
  - manampy amin'ny fandinihana izay mivaona sy fisafidianana ny vahaolana mety ary manatanteraka ny asa.

Natao teto Ambohitrinilahy ny,

Ny Filohan'ny VOI ZARASOA

« Hita sy ankatoavina »

Ny Tale Iraisam-paritry ny Tontolo Iainana sy ny Fandrosoana Lovainjafy Itasy

# **BOKIN'ANDRAIKITRA**

## **TOKO I : FAMARITANA ANKAPOBENY**

**Andininy voalohany:** Ity bokin'andraikitra ity dia natao manokana ho fampiharana ny andininy faha-5 ao amin'ny lalàna laharana 96-025 tamin'ny 30 Septambra 1996 izay mikasika indrindra ny fitantanana eny an-toerana ny harena voajanahary azo havaozina izay voafaritra toy izao:

- Avaratra: Fokontany Mahereza
- Atsinanana: Fokontany Ambohijatovo
- Atsimo: Fokontany Ikianja
- Andrefana: Fokontany Betafo

**And-2:** Ity bokin'Andraikitra ity dia mamaritra ny paika ankapobeny ny momba ny famindram-pitantanana ireo harena voajanahary azo havaozina ao amin'ny Fokontany AMBOHITRINILAHY, izay ifanaovan'ny Sampandraharaha Teknika sy ny Kaominina Ambanivohitra ARIVONIMAMO II ary ny vondron'olona ifotony (V.O.I): ZARASOA eto AMBOHITRINILAHY.

**And-3:** Ireto avy ireo olona manana zo sy andraikitra amin'ny fitantanana ny harena voajanahary ao amin'ny Fokontany AMBOHITRINILAHY, Kaominina Ambanivohitra Arivonimamo II:

- Ny mpikambana ao amin'ny Tanàna Antanety;
- Ny mpikambana ao amin'ny Tanàna Ambohitrinilahy;
- Ny mpikambana ao amin'ny Tanàna Soanafindra;
- Ny mpikambana ao amin'ny Tanàna Bemahatazana.

Adidin'ny VOI ny mamoka ny lisitry ny mpikambana manana zo sy andraikitra amin'ny fitantanana, ny fitrandrahana ary ny fiarovana ireo harena voajanahary azo havaozina.

**And-4:** Ireto avy ireo loharanon-karena voajanahary azo havaozina:

- Ny ala voajanahary (Ala Tapia sy ala hafa);
- Ny sokajim-bokatra rehetra ao aminy;
- Ny harena voajanahary azo avaozina ao anatin'ny faritra.

**And-5:** Manakery ao anatin'ny folo taona, haharetan'ny fifanekem-pamindram-pitantanana ny harena voajanahary azo avaozina ao amin'ny fokontany Ambohijatovo, ity bokin'andraikitra ity.

## **TOKO II: FEPETRA ILAINA HAMPIRINDRA TSARA NY FAMINDRAM-PITANTANANA**

**And-6:** Anjaran'ny VOI ny mametraka rafitra hitantanana sy hampiasana ary hiarovana ny harena voajanahary azo havaozina voalaza ao amin'ny andininy faha 4

**And-7:** Ny Dinam-paritra no mametra ny zon'ny tsirairay sy ny sazy ampiharina raha misy ny hadisoana. Ny Lehiben'ny Distrika dia anisan'ny mpanara-maso ny fampiharana azy.

**And-8:** Afaka manangona ny saram-pitantanana avy amin'ny vokatry ala sy ny hafa ny fikambanana VOI ZARASOA, mba ho tahiry sy enti-manatanteraka ny asa fampiroborobona, sy ho fanatsarana SY fiharovana ary ho fanatevenana ny harena voajanahary azo havaozina ary koa hiantohana izay mety ho fandanianana rehetra momba ny fitantanana (fampandehan-draharaha amin'ny ankapobeny: taratasy, penina, vatsy, saran-dalana, ...)

**And-9:** Tokony hisy mpitahiry vola manatanteraka ny fampidirana sy fandanianana rehetra eken'ny fitsim-pitondrana. Mifidy olona roa koa ny fikambanana ho mpanamarim-bola.

Ferana tsy mihoatra ny **telo hetsy ariary** (300 000 Ar) ny vola ekena ho tazonin'ny mpitahiry vola. Hanokafana kaonty any amin'ny banky ary arotsaka any kosa ny vola mihoatra rehetra.

**And-10:** Ny mpitahiry vola sy ny filoha no miaraka manao Sonia ny bokim-bola ary manamarina ny fivezivezen'ny vola miditra sy mivoaka, ary manao ny tatitra eo amin'ny fivoriambe.

### **TOKO III: ANDRAIKITRA ISAN-KARAZANY**

#### ***MIKASIKA NY FAHEFANA SY NY ANDRAIKITRY NY VOI***

**And-11:** Anjaran'ny VOI no manatanteraka sy manaja sy Dinaary manao tatitra momba ny asa vita amin'ny mpifanaraka aminy (Kaominina, sampandraharan'ny ala), ka ny mpitantana no miantsozoka izany. Noho izany ny mpitantana dia tsy maintsy mitazona boky firaketana ny fampiasana ny ala sy ny vokatra avy aminy.

**And-12:** Manao tetik'asa isan-taona entina hampiroboroboana ny fitantanana sy ny fanatevenana ny harena voajanahary azo havaozina. Ny Sampandraharaha Teknika sy ny Sampandraharaha mpanohana miaraka aminy no antsoina hanohana azy ara-teknika amin'ny famolavolana izany.

**And-13:** Mandray anjara amin'ny fanatevenana sy fanatsarana ary fiarovana ny harena voajanahary azo havaozina:

- Miady amin'ny doro-tanety;
- Manao filazana amin'ny Kaomity mpitantanana ny olona izay handoro tanim-boly na fako;
- Manao aro-afo 5 m ny sakany (metatra) ary miantso olona 7 (fito) farafahakely amin'ny andro hanaovana ny fandroana;
- Mamboly zana-kazo araka izay voafaritry ny drafitr'asa isan-taona isan'olona.

**And-14:** Manao aro-afo ao amin'ny ala tantanina ny VOI, miankina amin'ny fivoriambe ny fanatanterahana izany.

**And-15:** Mampihatra ny fitsipi-pifehezana araka izay voarakitra sy araka izay nankatoavin'ny VOI.

**And-16:** Manaraka ny fepetra nifanarahana ao aorian'ny fifampiraharaha miaraka amin'ny Sampandraharan'ny ala sy ny Kaominina. Manaraka sy manaja ny lalàna mifehy ny fitantanana sy ny fanatevenana ny harena voajanahary azo havaozina izay voalazan'ireo lalàna manan-kery.

**And-17:** Manara-maso ny fivezivezen'ny olona sy ny fakana ny vokatra ao anatin'ny faritra tantaniny.

**And-18:** Ny fikapana ny hazo novolena (kininina, kesika, sns...) ao amin'ny Fokontany Ambohitrinilahy (na hazon'ny Vondron'Olona Ifotony, na an'ny Fokonolona, na an'olon-tsotra) dia ny Komity Mpitantana no manamarina ny fangatahana alohan'ny hakana ny fahazoan-dalana hanapaka hazo any amin'ny Sampandraharahan'ny Ala. Handoavana saram-pitantanana ao amin'ny V.O.I araka izay voafaritry ny V.O.I. izany.

Anjaran'ny VOI ihany koa no manaramaso miaraka amin'ny Ben'ny ala ny fakan'ilay mpangataka ireo hazo.

Raha ho entina mivoaka ny faritra dia tsy maintsy hakana MBAY LALANA na (Laisser-passer) any amin'ny Sampandraharahan'ny Ala miaraka amin'ny fangatahana izay efa voamarian'ny komity Mpitantana ary tapakila nandoavana ny saram-pitantanan sy ny tamberim-bidy tany amin'ny VOI sy ny Kaominina.

**And-19:** TSY maintsy manao tatitra amin'izay zavatra miseho ao amin'ny faritra misy azy ny V.O.I, toy ny fitrandrahana sy ny fampiasana ny ala ary ny sokajim-bokatra misy. Ny komity mpitantana no manao ny tatitra any amin'ny Sampandraharahan'ny Ala sy ny Kaominina.

**And-20:** RAHA MANAO TATITRA TSY MARINA ny komity mpitantana dia azon'ny Sampandraharahan'ny Ala sy ny Kaominina enjehina araky lalàna manan-kery.

#### ***NY FAHEFANA SY NY ANDRAIKITRY NY KAOMININA***

**And-21:** Ny Kaominina no mpiahy ny vondron'Olona Ifotony voalohany.

- Manara-maso ny fitantanana izay ataon'ny Vondron'Olona Ifotony;
- Manampy ny komity mpitantana amin'ny fampiharana ny fitsipika anatin'ny Dina ary afaka mampiakatra raharaha any amin'ny ambaratongam-pahefana ambony;
- Mandamina ny fifanolanana misy ateraky ny fitantanana ny harena voajanahary azo havaozina;
- Manampy amin'ny fanentanana ny Vondron'Olona Ifotony amin'ny fitantanana ny harena voajanahary azo havaozina;
- Andraikitra ny Kaominina no mankatoa ny fitsipi-pifehezana novolavolain'ny vondron'olona Ifotony ary ny Ben'ny Tanana no mamoaika izany ho ampiharina;
- Mandray ny tatitra ny asa vita momba ny fitantanana avy amin'ny Vondron'Olona Ifotony;
- Mandray sy manao laharam-pahamehana ao amin'ny drafitra fampandrosoana ny Kaominina (PCD, SAC, sns...) ireo tetik'asa atolotry ny V.O.I.

#### **TOKO IV: SAZY AZO AMPIHARINA AMIN'NY DINA**

**And-22:** Natao hifampifehezana ny tsirairay ao AMBOHITRINILAHY sy hifehy ny faritra tantanina ny Dina ka anjaran'ny fikambanana ZARASOA ny mampihatra avy hatrany ny sazy amin'ny mpanao hadisoana. Amin'ny fandraisany an-tanàna ny fitantanana ny harena voajanahary sy ny fahazoany ireo fahefana nandray aminy dia tsy tokony hisalasala ny fokonolona, indrindra fa ireo Komity mpitantana misolo tena azy. Ny fandraisana andraikitra ny fokonolona dia porofon'ny finivany hanaraka antsakany sy andavany ny fifanekem-pitantanana.

**And-23:** Andraikitra ny VOI ny tsy maintsy mikaroka ny mpanao hadisoana rehetra mikasika ny fitantanana ny harena voajanahary.

**And-24:** Tompon'andraikitra tanteraka eo anatrehan'ny fanjakana ny mpitantana amin'ny hadisoana rehetra mitranga amin'ny faritra misy azy na ataon'ny mpikambana izany na fahadisoana ataon'olon-tsy fantatra ary ny fahadisoana amin'ny fitantanana.

**And-25:** Raha olona ivelan'ny Fikambanana no manao fahadisoana dia ampiparan'ny fikambanana ihany ny Dina. Raha tsy vita ao an-toerana ny fandaminana ny raharaha dia entina eo anatrehan'ny Kaomina izy mba ho faiziny. Raha toa ka mbola tsy manaiky hanefa ny saziny eo anivon'ny Kaomina izy dia ampiakarina amin'ny tompon'andraikitra ambony (Ben'ny Ala, Zandary) ny raharaha.

**And-26:** Arakaraka izay voalazan'ny lalàna no irotsahan'ny Ben'ny Ala hanenjika ny hadisoana arapanjakana na amin'ny fampakarana ny raharaha any amin'ny fitsarana ankoatry ny sazy ampiparin'ny fikambanana araky ny voafetran'ny Dina.

#### ***NY FAHEFANA SY NY ANDRAIKITRY NY BEN'NY ALA***

#### **TOKO V: FISAFOANA SY SAZY AMPIHARINA AMIN'NY MPITANTANA**

**And-27:** Ny famindrana amin'ny am-pahany na tanteraka amin'ny VOI ZARASOA ny fahefana hitantana ny loharanon-karena voanjanahary ao aminy dia tsy manakana ny Ben'ny Ala hanao fisafoana araka ny zo ananany araka ny lalàna.

**And-28:** Mandritry ny fisafoana dia azon'ny Ben'ny Ala atao ny manadihady eo an-toerana ny fandehan'ny fitantanana ny loharanon-karena voajanahary mety havaozina amin'ny ankapobeny.

Anjaran'ny Komity mpitantana ny manome fanazavana momba ny zava-miseho mikasika ny hadisoana niteraka fahavoazana amin'ny loharanon-karena, ahafahan'ny Ben'ny Ala mpisafy mandanjalanja ny fanapaha-kevitra tokony horaisiny.

**And-29:** Toy izao manaraka izao ny hadisoana mety hitranga sy ny sazy ampiharina mikasika ny fitantanana:

Fanomezana fampitandremana amin'ireto hadisoana ireto:

- tsy fampiharana Dina amin'ny olona manao hadisoana;
- tsy fanaovana ary tsy fanatanterahana drafitr'asa isan-taona;
- fisiana fanapahana hazo tapia tsy nandraisana andraikitra.

Fampiatoana ny fifanekena

- rehefa nahazo fampitandremana in-telo;
- fisiana fanaovana teviaala tsy nandraisana andraikitra;
- fisiana doro-tanety tsy nandraisana andraikitra.

fanafonana ny fifanekena

- rehefa nahazo fampiatoana indroa;
- fisiana doro-ala tapia tsy nandraisana andraikitra.

Anaovan'ny ben'ny ala fitanana an-tsoratra daholo ny fanadihadiana rehetra ataony sy ny sazy ampihariny ka omeny fitanana an-tsoratra tsirairay ny fikambanana ZARASOA, ny Ben'ny tanàna ary ny Lehiben'ny Distrika.

## **TOKO VI: FEPETRA SAMY Hafa**

### ***IREO ANDRAIKITRA ISAN-KARAZANY***

**And-30:** Ny V.O.I no manara-maso ny fikapana na ny fandavoana ny hazo (anakoaty ny hazo voajanahary) ao anatin'ny faritra Tantanina:

- Ny komity Mpitantana ao amin'ny VOI « SOANAVELANDRAZANA » no MANAMARINA ny fangatahana ho an'izay olona hanapaka hazo ao amin'ny Fokontany AMBOHIJATOVO;
- Ny Sampandraharahan'ny Ala ihany no manome ny fahazoandalana hikapa hazo (Permis de Coupe);
- Ny hazo maina am-potony (Tapia maina) ao anatin'ny Faritra tantanina dia ny Vondron'Olona Ifotony ihany no manana zo aminy;
- Ny V.O.I no manao izay fomba tsy hanitaran'ny olona ny tamboliny any anaty sy manamorona ny ala Tapia.

**And-31:** TSY azo atao ny manao Charbon ao anaty sy amoron'ny Ala Tantanina mba hisoroana ny doro tanety. Ny olona manao charbon ety ivelan'ny faritra Tantanina dia tsy maintsy manao aro afo Fito (7) metatra fara-fahakeliny manodidina ny fatana.

**And-32:** Tsy maintsy manao fivoriambe-pokonolona indray mandeha isaky ny enim-bolana (6 volana) ny VOI hanaovan'ny Komity mpitantana tatitra momba ny fandehan'ny fitantanana ny harena voajanahary iandraiketany sy afahan'ny fokonolona mandrefy ny dingana vitany sy ny fahavitrihan'ny fitantanana nankinina aminy (vola, fandehanan'ny asa, ny olana, sns ...).

**And-33:** Manankery sy hampiharina ao amin'ny faritra tantanina avy hatrany ity bokin'Andraikitra ity rehefa vita sonian'ireo voakasiky ny fifanekena.

Natao teto AMBOHITRINILAHY, Androany faha, .....

Ny Tale Iraisam-paritry ny  
Tontolo Iainana sy ny  
Fandrosoana Lovainjafy Itasy,

Ny VOI ZARASOA,

Ny Kaominina Arivonimamo II,


Ny Distrika Arivonimamo,

# DINAM-PARITRA

# **DRAFI-PIHARIANA**

# TOVANA

# FANGITRY NY FARITRA TANTEZAINA :



Laharana	X	Y
0	478 341,35	792 274,06
1	478 481,24	792 741,43
2	478 618,07	792 869,16
3	478 998,00	792 630,53
4	479 384,50	792 586,73
5	479 834,65	792 716,21
6	480 224,49	792 791,79
7	480 677,75	792 859,16
8	481 062,75	792 898,88
9	481 006,46	792 474,10
10	481 006,87	792 148,09
11	480 788,48	791 903,43
12	480 773,45	791 438,40
13	480 515,69	791 059,89
14	480 151,41	790 865,92

Laharana	X	Y
15	480 003,06	790 524,79
16	479 658,94	790 709,79
17	479 197,22	790 798,86
18	478 766,11	790 974,10
19	478 300,07	790 979,10
20	478 144,35	791 259,84
21	478 178,25	791 749,04
22	480 139,88	790 547,93
23	480 248,60	790 866,64
24	480 628,19	791 144,09
25	480 750,16	791 577,59
26	480 915,47	791 957,06
27	481 052,71	792 280,09
28	480 965,57	792 607,49